



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Mittitur ad Comitem de Furste[n]berg.

urn:nbn:de:hbz:466:1-41515

hominum licentia, corruptaque nobilium disciplina. Quapropter etiam, atq; etiam Paternitatem tuam rogo, ne se facile istorum magnatum precibus permoueri sinat, qui nostros secum in aula versari flagitat, ac istiusmodi missiones mēse longiores expetunt. Omitto in quæ fastidia, & pericula nostri incident, cum se istorum ingeniis vt cumq; accommodare coguntur, ita vt nec sibi, nec aliis pro ratione suę vocationis seruire, ac prodesse possint. Loquor autem de Germanorum nostrorum receptis moribus, à quibus nostros, quoad eius fieri potest, abesse consultissimū puto. Sub hæc locus incidit, quo sua de fugiendis Aulis dicta Canisius affirmaret ipsis rebus, planūque faceret nihilo se validius verbo, quām exemplo esse doctorem. Albertus Comes de Furstenbergio ex Euerardo Præposito impetrarat, vt aliquis ad se de societate confessarius in tempus aliquod mitteretur. Nam & ipse à pietatis non abhorrebat studiis, & coniugem habebat admodū piam, assuetamq; Pragæ Imperatricis in Aula frequenti confessioni, sic vt difficillimè careret magistro conscientiæ, qui ad manum quotidiè præsto esset. Quarum rerum gnarus Provincialis Hoffæus,

*Mittitur ad
Comitem de
Furstenberg.*